

ՀԱՅՏԱՐԱՐՈՒԹՅՈՒՆ
ԲՈՂՈՔԻ ՆԵՐԿԱՅԱՑՄԱՆ ՎԵՐԱԲԵՐՅԱԼ

Բողոքի ծածկագիրը և ամսաթիվը՝ ԳԲՔԱ-ԱՄ-2019/30, 04.03.2019թ.

Բողոք ներկայացնող անձ՝ «Հարությունյան Շին» ՍՊԸ

Պատվիրատու՝ «ՀԱԷԿ» ՓԲԸ

Գնման ընթացակարգի ծածկագիրը և առարկան՝ «ՀԱԷԿ-ԷԱՃԱՊՁԲ-3/19» ծածկագրով էլեկտրոնային աճուրդ, ջեռուցման մարտկոցների ձեռքբերում:

Բողոքի պահանջը՝

Դադարեցնել 25.02.2019թ. գնահատող հանձնաժողովի կողմից կայացված թիվ 3 արձանագրությունը և պարտավորեցնել գնահատող հանձնաժողովին թիվ «ՀԱԷԿ-ԷԱՃԱՊՁԲ-3/19» ծածկագրով էլեկտրոնային աճուրդում «Հարությունյան Շին» ՍՊԸ-ին ճանաչել առաջին տեղը զբաղեցրած մասնակից:

ԳՆՈՒՄՆԵՐԻ ՀԵՏ ԿԱՊՎԱԾ ԲՈՂՈՔՆԵՐ ՔՆՆՈՂ ԱՆՁ՝ Մ. ԱՆԱՆՅԱՆ, ՔԱՐՏՈՒՂԱՐ՝ Տ. ԳԵՎՈՐԳՅԱՆ

Տեղեկացնում ենք, որ բողոքի քննության նպատակով հրավիրվող նիստերին առցանց կարող եք հետևել <https://www.e-gov.am/gnumner/> հղումով կայք-էջում:

Միաժամանակ տեղեկացնում ենք, որ «Գնումների մասին» ՀՀ օրենքի՝

50-րդ հոդվածի 10-րդ մասի համաձայն՝ յուրաքանչյուր անձ, որի շահերը խախտվել են կամ կարող են խախտվել բողոքարկման հիմք ծառայած գործողությունների արդյունքում, իրավունք ունի մասնակցելու բողոքարկման ընթացակարգին՝ մինչև բողոքի վերաբերյալ որոշում ընդունելու ժամկետը գնումների հետ կապված բողոքներ քննող անձին ներկայացնելով համանման բողոք: Սույն հոդվածի համաձայն՝ բողոքարկման ընթացակարգին չմասնակցած անձը զրկվում է գնումների հետ կապված բողոքներ քննող անձին համանման բողոք ներկայացնելու իրավունքից,

51-րդ հոդվածի 1-ին մասի համաձայն՝ ՀՀ գնումների հետ կապված բողոքներ քննող անձին ներկայացված բողոքն ինքնաբերաբար կասեցնում է գնման գործընթացը՝ սույն օրենքի 50-րդ հոդվածի 9-րդ մասով նախատեսված հայտարարությունը հրապարակվելու օրվանից մինչև բողոքի քննության արդյունքներով ընդունված որոշման՝ ուժի մեջ մտնելու օրը ներառյալ:

ՀՀ ԳՆՈՒՄՆԵՐԻ ՀԵՏ ԿԱՊՎԱԾ ԲՈՂՈՔՆԵՐ ՔՆՆՈՂ ԱՆՁԻՆ

Բողոք բերող անձ՝ «Հարությունյան ՇԻՆ» ՍՊԸ
պետ. գրանց. համար 282.110.06546
գրանցման ամսաթիվ 01.10.2009թ. ՀՎՀՀ 01012067
Հասցե՝ ք. Երևան .

Ներկայացուցիչ՝ Էմիլ Չատինյան
անձնագիր՝ AK0362286, տրված՝ 13.08.2009թ., 067-ի
կողմից, հասցե՝ ՀՀ, ք. Երևան, Աուրաբաշեն 15փ.11/3տ
հեռ. 091-85-95-14

Պատվիրատու «ՀԱԷԿ» ՓԲԸ
Հասցե՝ ՀՀ Արմավիրի մարզ, 0910 ք. Մեծամոր

Էլեկտրոնային աճուրդի ծածկագիրը և առարկան՝ «Հայկական ատոմային էլեկտրակայան ՓԲԸ»-ի կարիքների համար՝ «ջեռուցման մարտկոցներ» ձեռքբերման նպատակով հայտարարված թիվ «ՀԱԷԿ ԷԱՃԱՊՁԲ-3/19» ծածկագրով էլեկտրոնային աճուրդ

Բ Ո Ղ Ո Ք

«Հայկական ատոմային էլեկտրակայան ՓԲԸ»-ի կարիքների համար՝ «ջեռուցման մարտկոցներ» ձեռքբերման նպատակով հայտարարված թիվ «ՀԱԷԿ ԷԱՃԱՊՁԲ-3.19» ծածկագրով էլեկտրոնային աճուրդի գնահատող հանձնաժողովի 2019թ. փետրվարի 25-ի թիվ 3 արձանագրության դեմ/

1. Բողոքի փաստական հիմքերը

«ՀԱԷԿ» ՓԲԸ-ի կողմից «Հայկական ատոմային էլեկտրակայան ՓԲԸ»-ի կարիքների համար «ջեռուցման մարտկոցներ» ձեռքբերման նպատակով հայտարարվել է թիվ «ՀԱԷԿ ԷԱՃԱՊՁԲ-3.19» ծածկագրով էլեկտրոնային աճուրդ, որին մասնակցության հայտ է ներկայացրել հետևյալ ընկերությունները՝

- ✓ «Հարությունյան Շին» ՍՊԸ
- ✓ «ՄԱԺԷՎ» ՍՊԸ
- ✓ «Էլիտ Հիլզ» ՍՊԸ
- ✓ «Մարմիկ» ՍՊԸ
- ✓ ԱԶ Գրիգոր Այվազյան

2019թ. փետրվարի 13-ի գնահատող հանձնաժողովի թիվ 2 արձանագրությամբ էլեկտրոնային աճուրդին մասնակցած բոլոր մասնակիցների, այդ թվում նաև բողոքաբեր «Հարությունյան Շին» ՍՊԸ-ի կողմից ներկայացված հայտը ճանաչվել է անարժեք և հայտը հերքվել է:

Թիվ 2 արձանագրությամբ էլեկտրոնային աճուրդում էլեկտրոնային գրառումները ճանաչվել են անարժեք և ճանաչվել «Հարությունյան Շին» ՍՊԸ:

ԳՆՈՒՄՆԵՐԻ ՆԱԾԱՐԱՐՈՒՄԸ

ԱՇԽԱՏԱԿԱԾ

ՄՏՈՑ N 9023

4 04 03 2019

2019թ. փետրվարի 25-ին գնահատող հանձնաժողովի կողմից կայացվել է թիվ 3 արձանագրությունը, որով որոշվել է «Հարությունյան Շին» ՍՊԸ-ի հայտը մերժել և հրավերով սահմանված որակավորման փաստաթղթեր ներկայացնելու առաջարկ ուղարկել 2-րդ նվազագույն գնային առաջարկ ներկայացրած «ՄԱՇԷՎ» ՍՊԸ-ին:

Նշված որոշումը կայացվել է այն պատճառաբանությամբ, որ «Հարությունյան Շին» ՍՊԸ-ն հայտը ներկայացնելու օրվա՝ 09.02.2019թ., դրությամբ *հարկային մարմնի կողմից վերահսկվող եկամուտների գծով /դրոշմանիշային վճարի մասով/* ունի ժամկետանց պարտավորություն 329,000 ՀՀ դրամի չափով:

2. Բողոքի իրավական հիմքերը և հիմնավորումները

2019թ. փետրվարի 25-ի թիվ 3 արձանագրությամբ, որպես «Հարությունյան Շին» ՍՊԸ-ի հայտը անվարարար ճանաչելու իրավական հիմք, գնահատող հանձնաժողովը վկայակոչել է «Գնումների մասին» ՀՀ օրենքի 6-րդ հոդվածի 1-ին մասի 2-րդ ենթակետը:

Համաձայն «Գնումների մասին» ՀՀ օրենքի 6-րդ հոդվածի 1-ին մասի 2-րդ ենթակետի՝ *Բացառությամբ սույն օրենքի 23-րդ հոդվածի 1-ին մասի 1-ին, 3-րդ, 4-րդ և 5-րդ կետերով նախատեսված ընթացակարգով գնում կատարելու դեպքերի, գնումների ընթացակարգերին մասնակցելու իրավունք չունեն այն անձինք՝ որոնք հայտը ներկայացնելու օրվա դրությամբ հարկային մարմնի կողմից վերահսկվող եկամուտների գծով ունեն իրենց ներկայացրած գնային առաջարկի մինչև մեկ տոկոսը, բայց ոչ ավելի, քան եխտն հազար Հայաստանի Հանրապետության դրամը գերազանցող ժամկետանց պարտավորություններ:*

Այսինքն, վերոգրյալից հետևում է, որ անհրաժեշտ է հասկանալ, թե որո՞նք են հարկային մարմնի կողմից վերահսկվող եկամուտները և արդյո՞ք «ՀՀ պաշտպանության ժամանակ գինձառայողների կյանքին կամ առողջությանը պատճառված վնասների հատուցման մասին» ՀՀ օրենքի համաձայն վճարման ենթակա դրոշմանիշների վճարը հանդիսանում է հարկային մարմնի կողմից վերահսկվող եկամուտ:

Այսպես՝

2018թ. հունիսի 11-ի ՀՀ կառավարության Հայաստանի Հանրապետության պետական եկամուտների կոմիտեի կանոնադրությունը հաստատելու մասին թիվ 702-Ն որոշման 11-րդ կետի 2-րդ ենթակետի՝ *Կոմիտեի խնդիրներն են պետական հարկերի և վճարների վճարման նկատմամբ հսկողության իրականացումը:*

Համաձայն ՀՀ Հարկային օրենսգրքի 6-րդ հոդվածի՝ *Հայաստանի Հանրապետությունում կիրառվում են՝*

- 1) *պետական հարկեր, որոնց տեսակներն են՝*
 - ա. *ավելյացված արժեքի հարկը (այսուհետև՝ ԱԱՀ),*
 - բ. *ակցիզային հարկը,*
 - գ. *ջահութահարկը,*
 - դ. *եկամտային հարկը,*
 - ե. *բնապահպանական հարկը,*
 - զ. *ճանապարհային հարկը,*
 - է. *չրջանառության հարկը,*
 - բ. *արտոնագրային հարկը:*

2) տեղական հարկեր, որոնց տեսակներն են՝

ա. անշարժ գույքի հարկը.

բ. փոխադրամիջոցների գույքահարկը:

Հայաստանի Հանրապետությունում չեն կարող սահմանվել այնպիսի հարկեր, որոնք նախատեսված չեն սույն հոդվածի 1-ին մասի 1-ին և 2-րդ կետերով:

Համաձայն ՀՀ Հարկային օրենսգրքի 7-րդ հոդվածի՝ Հայաստանի Հանրապետությունում կիրառվում են՝

1) պետական վճարներ, որոնց տեսակներն են՝

ա. պետական տուրքը.

բ. բնօգտագործման վճարը.

գ. սոցիալական վճարը.

դ. ոստիոհաճախականության օգտագործման թույլտվության տրամադրման (գործողության ժամկետի երկարաձգման) պարտադիր վճարը և օգտագործման պարտադիր վճարը.

ե. հանրային ծառայությունների կարգավորման պարտադիր վճարը.

զ. կենսաթոշակային վճարը.

2) տեղական վճարներ, որոնց տեսակներն են՝

ա. տեղական տուրքը.

բ. տեղական վճարը:

Այստեղ ուշագրավ է այն հանգամանքը, որ ՀՀ Հարկային օրենսգրքի 6-րդ և 7-րդ հոդվածները հստակ սահմանում են այն բոլոր հարկերի և վճարների տեսակները, որոնց նկատմամբ հսկողություն է իրականացվում հարկային մարմնի կողմից, այլ կերպ ասած վերոգրյալից հետևում է, որ հարկային մարմնի կողմից վերահսկվող եկամուտ չէ դրոշմանիշային վճարը:

Ասվածը հիմնավորվում է նաև 2017թ. հուլիսի 19-ի ՀՀ կառավարության ՀԱՐԿԱՅԻՆ ՄԱՐՄՆԻ ԿՈՂՄԻՑ ՎԵՐԱԸՆԿՎՈՂ ԵԿԱՄՈՒՏՆԵՐԻ ԳԾՈՎ ՊԱՐՏԱՎՈՐՈՒԹՅՈՒՆՆԵՐԻ ՎԵՐԱԲԵՐՅԱԼ ՏԵՂԵԿԱՆՔԻ ՁԵՎԸ ՍԱՀՄԱՆԵԼՈՒ ՄԱՍԻՆ թիվ 228-Ն հրամանով, որով սահմանվել է հարկային մարմնի կողմից վերահսկվող եկամուտների գծով պարտավորությունների վերաբերյալ տեղեկանքի ձևը:

Նշված որոշման հավելվածի համաձայն հարկային մարմնի կողմից վերահսկվող եկամուտների գծով (այդ թվում՝ հարկային մարմնի համակարգի զարգացման ֆոնդի միջոցների գծով) պետական բյուջեի հանդեպ պարտավորությունները կազմում են հետևյալ հարկատեսակները՝

1. ԱԱՀ
2. Շահութահարկ
3. Եկամտային հարկ
4. Ակցիզային հարկ
5. Շրջանառության հարկ
6. Արտոնագրային հարկ
7. Բնագանձաբանական հարկ
8. Ոչ ռեզիդենտի շահութահարկ
9. Սոցիալական վճար
10. Պետական տուրք
11. Բնօգտագործման վճար

12. Այլ հարկային եկամուտներ

13. Ընդամենը

Այսինքն, վերոգրյալից հետևում է, որ 2017թ. հունիսի 19-ի ՀՀ կառավարության թիվ 228 Ն հրամանի համաձայն սահմանվել են վերհսկվող եկամուտների գծով պարտավորությունների վերաբերյալ տրվող տեղեկանքի ձևը, որտեղ ՀՀ պաշտպանության ժամանակ զինծառայողների կյանքին կամ առողջությանը պատճառված վնասների հատուցման մասին ՀՀ օրենքի համաձայն վճարման ենթակա դրոշմանիշների վճարը որպես հարկային մարմնի կողմից վերահսկվող եկամուտների գծով պարտավորություն նախատեսված չէ:

Ավելին, ՀՀ ԿԱ ՊԵԿ նախագահի 2018թ. ապրիլի 11-ի թիվ 245-Ա հրամանի համաձայն սահմանվել է վերհսկվող եկամուտների գծով պարտավորությունների վերաբերյալ տրվող տեղեկանքի նոր ձև, որտեղ որպես հարկային մարմնի կողմից վերահսկվող եկամուտների գծով պարտավորություն «ՀՀ պաշտպանության ժամանակ զինծառայողների կյանքին կամ առողջությանը պատճառված վնասների հատուցման մասին» ՀՀ օրենքի համաձայն վճարման ենթակա դրոշմանիշների վճարը նույնպես նախատեսված չէ:

Այստեղ ուշագրավ է այն հանգամանքը, որ հայտ ներկայացնելիս «Հարությունյան Շին» ՍՊԸ-ն առաջնորդվել է հարկ վճարողի անձնական հաշվի բարտի բաղվածքում առկա տեղեկատվությամբ, որից հստակ երևում է, որ հայտ ներկայացնելու օրվա դրությամբ հարկային մարմնի կողմից վերահսկվող եկամուտների գծով «Հարությունյան Շին» ՍՊԸ-ն որևէ հարկային պարտավորություն չի ունեցել, ղեռ ավելին համաձայն նույն բաղվածքի «Հարությունյան Շին» ՍՊԸ-ն ունեցել է գերավճար/Շանուցում հարկ վճարողի անձնական հաշվի բարտում վկայակոչված է ՀՀ ԿԱ ՊԵԿ նախագահի 2018թ. ապրիլի 11-ի թիվ 245-Ա հրամանը:

Այսինքն, նա մեկ հիմնավոր փաստարկ, որ դրոշմանիշային վճարը չի հանդիսանում հարկային մարմնի կողմից վերահսկվող եկամուտ, հակառակ պարագայում հարկ վճարողի անձնական հաշվի բարտի բաղվածքում առանձին տող կլիներ նաև դրոշմանիշային վճարի մասով:

Նշված փաստերը հիմք են հանդիսանում հաստատապես հայտնելու, որ 25.02.2018թ. գնահատող հանձնաժողովի թիվ 3 արձանագրությունը անհիմն է, քանի որ դրոշմանիշների վճարը չի հանդիսանում հարկային մարմնի կողմից վերահսկվող եկամուտ, հետևաբար անկախ պարտավորության առկայությունից կամ բացակայությունից այդ հիմքով մասնակցի հայտը ենթակա չէր մերժման:

Նմանատիպ իրավական դիրքորոշում է հայտնել նաև ՀՀ գնումների հետ կապված բողոքներ քննող անձր թիվ ՍՑ ԷՍ 2018/133 որոշմամբ, ինչպես նաև 05.11.2018թ. թիվ ԳԲԽ-ԱՄ-2018/87 որոշմամբ:

Վերոգրյալի ամփոփումից հետևում է, որ «ՀԱԷԿ» ՓԲԸ-ի կողմից «Հայկական ատոմային էլեկտրակայան ՓԲԸ»-ի կարիքների համար «ջեռուցման մարտկոցներ» ձեռքբերման նպատակով հայտարարված թիվ «ՀԱԷԿ-ԷԱՃԱՊՁԲ-3/19» ծածկագրով էլեկտրոնային աճուրդի շրջանակներում գնահատող հանձնաժողովը չի կիրառել 2018թ. հունիսի 11-ի ՀՀ կառավարության թիվ 702 Լ որոշումը, ՀՀ Հարկային օրենսգրքի

6-րդ և 7-րդ հոդվածները, 2017թ. հուլիսի 19-ի ՀՀ կառավարության թիվ 228-Ն հրամանը, ՀՀ ԿԱ ՊԵԿ նախագահի 2018թ. ապրիլի 11-ի թիվ 245-Ա հրամանը, որի հետևանքով խախտվել է «Գնումների մասին» ՀՀ օրենքի 6-րդ հոդվածի 1-ին մասի 2-րդ ենթակետի պահանջները, ինչն էլ հանգեցրել է «Հարությունյան Շին» ՍՊԸ-ի իրավունքների ոտնահարմանը և խոչընդոտներ են ստեղծել էլեկտրոնային աճուրդին վերջինիս մասնակցության համար:

Համաձայն Գնումների մասին ՀՀ օրենքի 46-րդ հոդվածի 3-րդ մասի 1-ին կետի *Յուրաքանչյուր անձ իրավունք ունի բողոքարկելու ... գնահատող հանձնաժողովի ... գործողությունները (անգործությունը) և որոշումները:*

Համաձայն Գնումների մասին ՀՀ օրենքի 46-րդ հոդվածի 1-ին մասի *Յուրաքանչյուր անձ իրավունք ունի սույն օրենքի համաձայն՝*

1) նախքան պայմանագրի կնքումը բողոքարկելու ... գնահատող հանձնաժողովի գործողությունները (անգործությունը) և որոշումները գնումների հետ կապված բողոքներ քննող անձին.

3.Բողոքի պահանջը.

Մատնանշաձս հանգամանքների հիմքով

խնդրում եմ

դադարեցնել 25.02.2019թ. գնահատող հանձնաժողովի կողմից կայացված թիվ 3 արձանագրությունը և պարտավորեցնել գնահատող հանձնաժողովին թիվ «ՀԱԿ-ԷԱՃԱՊՁԲ-3/19» ծածկագրով էլեկտրոնային աճուրդում «Հարությունյան Շին» ՍՊԸ ին ճանաչել առաջին տեղը գրադեցրած:

Կից ներկայացնում եմ

1. 13.02.2019թ. թիվ 2 արձանագրության պատճենը
2. 25.02.2019թ. թիվ 3 արձանագրության պատճենը
3. Գրոշմանիշային վճարի վճարման անդորրագիր.
4. Tax.servise.am կայքի կարճապատկերումը /screenshot/
5. Պետական տուրքի անդորրագիրը.
6. Ընկերության պետական ռեգիստրի պատճենը
7. Լիազորարի բնօրինակը և անձնագրիս պատճենը.

ՆԵՐԿԱՅԱՅՈՒՅԻՉ

ԷՄԻԼ ՉԱՏԻՆՅԱՆ

04.03.2019թ.